

永川縣志卷之五

學校志

廟制

書院

義學附

學額

賓興

學田

古者入學必釋菜於先師體制之崇斯為鉅典雖學分大小名異鄉國藏修息游俱造就人才之地學古入官於是乎在然論秀書升初無定制三年大比興賢與能一於德行道藝考之是儲材待用端有賴於鄉物之教矣漢唐以來郡縣皆立學宮而禮教大備我

國家雅化作人首隆學校師友資其考課蒙養端其始基厚以脯脩資之膏火有志念典者可不切磋自勵致虞將落乎志目五以崇學宮則有廟制以資講貫則有書院試科歲則標學額赴鄉會則舉賓興至脩金課獎之費則更置有學田

廟制

學宮在治西城內創自宋宗丞梁公嘉定初以進士
令永川闢黌宮倡文教乾道純熙間人才蔚起閔宮
雍肅德祐元年秋元兵陷瀘渝學廟俱燬明洪武間
重修 大成殿兩廡齋堂天順己卯教諭王理始率
諸生艾時學等開鑿泮池天啟辛酉蘭州酋奢寅叛
陷重慶路屠城十有二永首遭蹂躪學宮皆成瓦礫
乙丑夏知縣趙環博士方時可重建及明季獻賊兵
燹又復灰燼惟靈星門石坊無恙

明大學士王應熊重修學宮記修學

宮而勒以記書趙侯之功也趙侯而以學宮書侯
之有功於永者不勝記而特以學宮記也當蘭賊
據渝時永其出沒之咽喉長驅省會屠城一十有
二而永其最先孤城一片可憐焦土澤宮據城西
南隅賴有呵護於其間然而蹂躪震競之餘廊廡
蕭蕭楹椽傾圮 啟聖祠并鄉賢祠胥成蓬蒿瓦
礫之場至者徒歛歔太息而已趙侯以乙丑之夏
來守此邦爾時餘孽雖擒元克未戢羽檄雲飛誅
求雨至他或掣肘焉狼狽焉左支右吾之不暇遑
議興作哉侯則剗犀之才足以解紛照天之識足
以燭遠汪陂之度足以育物霽憲之手足以禁奸
百物整理琴堂肅穆萬室登春臺而里閭樂華胥
及慨然以修建學宮為首務捐俸金貽方博士董
其事方受命惟虔鳩材督匠不憚勞瘁甫半載而
二祠建嗣是首振鐸者若荆楚姚博士偕達郡趙
博士相與後先共勩厥成創起者屹立補葺者礮
密飾以白堊固以丹漆輝以宮牆規制煥然一新
矣越丁卯歲余以丁艱西歸永之博士弟子員具

石走渝請書其事余曰唯唯域中莫尊於
至聖典禮莫重於學宮卓哉趙侯其賢因學宮著而賢甯
止在學宮也哉國家邊徼告警以來自臺省以及
郡守邑令每歲截其俸之半以佐軍需侯並不有
其半而盡割以給土木磚石之用錢不捐民間一
文稻不索民間一粒則侯之有功于永者歐陽之
滌水也吾有以知侯之廉語曰非常之原黎民懼
焉及臻厥成晏如也此猶幹理於清夷耳乃戎馬
充郊時事旁午輪轄輻輳供億費繁猶然營繕堂
構不遺餘力匪徒以粉飾太平為故事則其治永
也視其晚艱者而安置之求其蒙茸者而疏理之
當亦何所不至吾因以知侯之能每見雞犬之不
甯也輿皂操片紙挾隻字誼囂於東西豕突於南
北而魂夢皆驚惟興作為甚今殿廊巍然輪奐秩
然任輦車牛積時累月而民未始有知者戶胥安
枕野無追呼吾且以知侯之仁昔宋蘇眉山過扶
風鳳鳴驛見傳舍甚飾而以不擇居而安安而樂
樂而喜從事者為太守多假令趙侯出其廉能仁

永川縣志

卷五

學校

廟制

三

以規條當世使無齟齬其間而得竟其業則天下
何足治歟余職忝絲綸謬侍法從不久且詣丹陛
得陳趙侯之治狀於冲聖俾盡展其廉能仁之用
又甯翹書其功於學宮之貞珉而已也若夫砥行
立名身為倫紀之宗端心源而正學術人人聖賢
各各君子以無忝趙侯作興學宮之意則在多士
之自樹自奮矣余何贅趙侯諱環
字立仲別號玉林粵之東莞人

國朝康熙二年知縣張翔結茅屋數椽以奉祭祀二十

四年知縣董粵固修戟門五楹 大成殿兩楹兩廊

啟聖祠三楹

雍正元年更名崇聖祠

康熙三十三年知縣歐陽

明萬修名宦鄉賢二祠五十九年知縣沈鏞修東西

兩廡雍正七年知縣李倬奉文建忠義節孝二祠乾

隆三十五年知縣張宗文教諭彭濱重修 崇聖祠

大成殿東西兩廡俱復舊址又於戟門左右各添修

齋寢二間廓深泮池外砌石欄左豎奎閣舊制維新

歷久復圯嘉慶二十四年知縣高學濂重修 大成

殿東西兩廡露臺戟門靈星門嗣後疊加補葺庚申

張逆陷城諸廟多燬惟學宮完善今光緒十九年因

蟻食將頽知縣許會蔭督紳耆改建體制彌壯高學濂記

嘉慶己卯秋余代庖永川觀風得廩生戴元裔見其文有根柢拔冠諸生既知為積學敦行之士頗心契焉逾月借廩生謝廷豪等來謁以學宮頽敗請重修余曰經費不難難在董其成者兩生能始

永川縣志

卷五

學校

廟制

四

終其事余當捐廉為閣邑倡兩生曰唯唯於是庀材鳩工事未半而予以憂歸越十載戴生已由恩貢得司諭道光庚寅權井研廣文瓜代後買舟過漢安縷述葺功巔末礪石待余記曰自宋范文正割南門建學宮天下始皆有學學皆有廟學之所以附於廟者其義果安在哉蓋欲居是學者讀聖賢書學聖賢事處則修身齊家矜式鄉里出則致君澤民功在社稷名儒名臣一以貫之古者鄉舉里選故士敦實行而黜浮華後世變為科第乃兼務詞章上焉根柢六經得於心而宣於口其文為有目共賞之文其人為當世引重之人所謂有德之言也否則東塗西抹角逐為能即使倖而獲選其樹立亦概可見矣今學宮之新也非徒壯觀瞻而已諸生游息於斯日循乎子臣弟友之分闡發乎詩書禮樂之精嚴義利之辨絕僥倖之私衾影可質諸鬼神聞望日隆於天下庶幾躬行實踐無負庠序之教哉且永川自南宋陳少南先生通經術為世名儒嗣是代有聞人諸生生長其間希前

哲之餘光作明達之後彥後先輝映豈不偉歟司
諭為永川翹楚楷模後進者有年其以余言告諸
生且碑於學宮俾共知勸勉焉○知縣許曾蔭記
光緒十有八年會蔭攝縣事敬詣學宮展謁
先師孔子睹夫棟榱就圯風雨飄搖大懼無以肅明禋而
崇瞻仰洎加攷詢則修葺以來垂七十載頻歷兵
革僅而獲全然雀穿蟻剝傾欹已久積年經營未
由庀費因循迄今始將坍塌壓更一淹滯致力彌難
竊心維之弗敢置越歲續纂縣志分其餘貲乃克
鳩工采斲梓榿增其宏敞載施丹雘昭厥崇嚴而
後毀閣壯觀秩然巍煥工既卒應紀其事乃引伸
建置之義而為之記曰庠序之設縣之人於是乎
觀禮焉釋菜鼓篋固仿乎大司成矣若夫食耆耄
以教孝齒胄以教弟恤孤獨以教慈皆行禮於庠
序間故京師有辟離而泮宮之置遍海宇孝弟慈
之教隆乎
朝廷而風行天下凡戶可封之俗得以見焉者胥於庠
序導之也故祀

永川縣志

卷五

學校

廟制

五

主聖為先師以立人倫之極而配從諸賢罔非傳內聖外
王之學以淑斯人達而逢時必有不朽之功業即
落落寡合而鄉里薰為善良天下想其風采一堂
秩祀千載具瞻焉若椹椳摧殘堂室欹側威儀之
不肅禮將無所於行矧壓覆之是懼也賢士大夫
襄予之力俾克有成豈惟予實賴之諸生他日釋
奠之餘習飲射於其間緬思
聖天子崇儒重道之風以想像矍相東膠之盛勉而跂之
非第澤周鄉邑已也將見宇宙內事萃於已躬
而太史且占德星之聚予畢然而望自今始矣

泮池周圍三十餘丈闊十餘丈深五尺許向為市民

穢塞後衛以石欄水始清冽光緒十九年石欄上增

砌磚牆高一丈六尺

明太子少師工部尚書江淵重
修泮池記重慶之治邑曰永川

廟學在邑治之右箕山之陽高明爽塏二水合流
於前獨當一邑之勝學雖創自古昔而泮池初未

有也天順己卯歲教諭廬陵王理始倡諸生開鑿然工微力儉有司不能作興率以民勞廩薄為解因循歲時弗克成就成化戊子冬郡守潮陽鄭侯文奎郡佐岳陽鄧侯林因公務相繼至邑祇謁

廟庭

見池之荒漏莫治顧諸僚屬曰

先聖道德

高厚師表萬世學宮之制必極完美門牆之下

有此缺典是誠守土者之責也遂謀議公募金帛命東皋驛丞唐伯瑄生員鄧環胡鳳共督其事時貳尹孝感殷禮判部桃源杜聰署縣事巴縣判簿星沙龔勝掌教吉水袁勗昂司訓鄭孜咸出俸貲諸生各捐廩米以助厥用乃量功相址具畚築土石瑗隄岸中卷以橋周樹闌檻深及尋丈大闊數十步未三月而工完注水溢池芹藻斯馨潛鱗游泳天光雲影滉漾澄洪民庶聳觀士夫稱美落成之餘諸生艾時學易觀德譚謨具書幣來請記將勒諸石按天子之學曰辟雍取其水環如璧諸侯曰判宮亦取水如半璧之美故天下郡邑之學有泮池皆肇自此春秋凡土役之興巨細畢書所以

永川縣志

卷五

學校

廟制

六

重民力也獨於僖公之修闕宮略而不書所以見其當修也聖人示人之意微矣然則池之作宜在所當修乎不當修乎雖然世教既衰所當作者人反視為迂緩其不書者人必以為不足書春秋之旨亦將隱矣或曰郡守縣大夫修廢舉墜是能知所先務司教諸士子心悅景從可稱知所尊尚且使數百年之缺一旦作而新之式克全美甯不為吾道增重是誠不可不書也予不能詰遂大書特書以為記○教諭彭濱改修泮池并新建文塔記永川為蜀中望邑

文廟

一區全據山川之勝宋明以來題雁塔者累累矣

國朝康熙年間新之而微失其故步又荆兵移駐成都道經永邑突頹城為西門官路由廟後出自時厥後甲科減色士氣弗揚說者謂宜一切盡復其舊顧其為事紛而口眾有以知其不勝也乾隆己丑冬邑人士謀修文峯及泮池所募已近千金然卒未有慷慨即輸者會庚寅歲張公宗文署篆茲土改帑項城工為捐修而門與路煥然一新由是

泮池勢處於不得不作既而文峯工續起已復念廟制實為根本議全局而進之乃掘地未二尺忽得故址眾情踴躍從此大殿及崇聖祠兩廡露臺墀砌諸役次第興舉計工之伊始以至竣事會不兩年已一一復其舊式而堂皇過之天其或者將啟是邦之人文而振興之耶不然何擬議之若彼其難而成功竟若此其速也余鐸斯十年喜其士民醕茂將有終老於此之志蓋甚幸夫茲役之成而樂拭目以徐觀其盛於是乎備為之書若夫興教勸學與士君子立身行己之大則前賢諸學記已無不詳哉言之都人士應其悉矣茲不復贅

泮池左有宋陳少南明梁士麒蔣世鉉故里碑

聖域賢關石坊二列廟左右與垣牆相接坊極高大

壯觀下各有門祭祀時由左門入

水川縣志

卷五

學校

廟制

七

靈星門石坊三體勢渾堅鑱刻綺麗高二丈長十丈

中曰靈星東禮門西義路

按學廟三門之制禮經無文明解縉視學綿州瓦礫

中得宋故碑修學門記磨滅殆半而門制可攷云古營造法式以上天帝座前三星曰靈星王者之居象之故以名門先聖為萬世至尊古今通祀袞冕南面用王者禮樂廟門之制悉如之世所謂從木從雷及凌霄之凌者誤

鄉賢名宦祠在靈星門內左廂

節孝祠在靈星門內右廂

右廂舊有忠義孝弟祠光緒十九年改建因節孝增

多乃將忠義孝弟移入鄉賢咸豐中殉節諸人並附祀昭忠祠

戟門四楹三門左右齋寢各二間

宋太宗建隆三年詔立十六戟於廟

門徽宗時增廟戟至二十四圖賜天下州縣學為式

露臺在戟門上石花香爐一座石花屏一對臺簷建

木坊一兩旁衛以石欄

又靈星門內外各有露臺二層並砌以石

東西兩廡各三間上二間祀先賢下一間祀先儒

西廡

內壁豎有古碑二文鐫太極圖說係明大學士巴縣王應熊隸書惜碑存只此文殘缺未全

大成正殿舊制週圍階砌衛以楯欄迴廊相通雕甍聳

拔重簷飛閣朱戶丹楹誠巨觀也但多歷年所風蟻

剝蝕勢將傾圮光緒十九年改建易柱為石上覆琉

璃瓦較前尤極壯麗

殿後左有文雁塔一右有武雁塔一皆建自前明今圮

永川縣志

卷五

學校

廟制

八

崇聖祠四楹在大成殿後地勢微高闊與相等

奎星閣舊在大成殿紅牆外左乾隆三十九年教諭余

續建畫彩雕甍有樓三上後圮同治十年知縣童炳

宸仍規舊址重修體制較壯今因蟻蝕勢又欹斜邑

紳現議改建巽方

惜字閣在學宮左邑人陳子耐建

教諭彭濱序惜字之義昔人詳哉言

之矣第其說多出於感應夫為感應而惜字則其心未誠而其事必不可久邑陳生文璠之父子耐好善樂施人也尤慨然有志於惜字念惜字必得其所更期於能繼爰捐百餘金擇

聖廟左旁紅牆外命匠鑿石建惜字閣復置產取租募人收邑中遺字垂諸無窮可見用心之誠而謀其事

者爲至悉也吾因之有感矣今天下多字藏然往往眾力成之未有一人獨爲之者又無人焉專司其職且無產貲以傳永久孰如陳君以一人之力惜通邑之字一時之謀可貽百年之遠者乎吾知倉夫子在天之靈旣默相之而至聖精爽亦樂錫以嘉祉俾陳氏子姓長發其祥有斷然不爽者矣君雖無意於感應而所爲感應豈易量也哉余鐸斯三載有志未逮幸得陳君以觀厥成因樂爲之序

尊經閣明萬厯間知縣戴任建今燬未詳其地

學基 文廟紅牆外四至俱有餘地獨後脈屢因居

民侵佔康熙四十九年知縣馬汝愈清理禁止乾隆

三十五年知縣李珍親勘鑄立四至界石永禁民房

永川縣志

卷五

學校

廟制

九

侵越

按唐武德間並祀周孔貞觀四年從房元齡之請始詔州縣立孔專廟自宋及明規模愈備我

國家稽古右文 幸闕里展奠儀黃屋尊崇特 頒定

制聲教所訖莫不知學有淵源同深仰止自古廟祀之隆誠未有如今日者也永當蜀通衢學宮鼎盛地脉鍾靈水則三河會碧山則八角攢青人材炳蔚代不乏人豈偶然哉但厯年旣遠蝕圯堪虞今則仍規舊址重煥新模典麗喬皇崇光廟貌將來賢喆輩出

鵲起鴻騫覩俎豆之馨香思宮牆之美富庶幾趨步
賢關升堂入室頑廉懦立其必由此矣

書院 義學附

錦雲書院舊名桂山在治東街康熙五十八年知縣沈鏞捐俸買張萬銓街基建學舍一所願基址狹隘學者每不能容乾隆壬午知縣彭時捷始於古察院遺址建外講堂三間照廳三間內講堂三間東齋九間西齋九間廚舍四間東西長粉牆二道二門三楹頭門一間院後立奎星閣一座時川東觀察張九鑑經此更綾錦山為錦雲因以名院彭時捷記學校王政之本所以養人才厚風俗也今自京師而外直省郡縣莫不有學而書院輔之書院之設即古黨庠術序之遺其地

永川縣志

卷五

學校

書院

十一

不如學之尊嚴其事較學尤為詳盡或興或廢人才風俗因之不綦重歟予膺

簡命來令永川見其士好詩書俗敦儉樸蓋沐浴聖朝雅化百有餘年矣考其地有桂山書院前令江右羅君士哲之所建也僅十餘年而老屋數椽不蔽風雨邑人士未有鼓篋出其門者豈經始規模有未備耶抑繼之者未暇增式廓耶韓子有言莫為之前雖美弗彰莫為之後雖盛弗傳微羅君亦予之貢也願舊址狹隘不足改為且無學田不能垂久予乃捐俸八十兩置田數畝隨據紳士等呈請興學先後勸輸廢寺閒田山土三百餘畝為脩脯膏火之資然後謀立學舍與邑尉鄭君從龍儒學王君楷卜治東錦雲山陽相基繪圖授邑庠等董其事各皆踴躍樂輸良材堅甍不可勝用於是為立講藝之堂棲士之舍賓客之位游息之所庖廚之次百爾器具工善吏勤晨夜並作凡五閱月而竣既遷舊地遂更新名來學者幾百人焉是舉也非敢謂於

國家作人之化有所裨益第邑令爲
聖天子教養斯民苟簿書期會無失而已坐視其邑無興
賢育才之所謂會莫我督過予愧且懼且使學於
此者優游詩書禮樂之圃循習仁義道德之途由
是以修其身以教其家以率其鄉黨隣里處爲正
士出爲良臣則此書院之設又不僅一邑之人才
衆多風俗醕美已
也於此有厚望焉

東臯書院在小南門外文昌宮左初設時僑寄東山
寺乾隆五十三年知縣張摺移建今所內講堂山長
住室共三間外講堂一間講堂後連右齋三間下廳
左右齋七間廚舍二間院門一間後復建過亭三楹
因地脉由東山蜿蜒而來東山舊謂之東臯故以名
院

永川縣志

卷五

學校

書院

十二

官課暨兩院師課源委

國初未設書院乾隆間知縣彭時捷始建錦雲書院
置學田興設四季官課每課額取內庠十名外庠四
十名上取者每名膏火穀五斗次者四斗歲由學田
租穀支給後復建東臯書院兩院山長延他邑名儒
本地舉貢主講師課加獎每月共錢四千伍百文在
書院積款利息項下支給官課春夏所取必待秋後
給穀生童鄉居者道里各殊取穀不便每賤價折錢

所獲無幾名雖五斗四斗實折錢不過數百文頻年
住院者寥寥光緒十年署縣徐公樹錦以生童課穀
折錢流弊滋多不若將穀變賣錢可按課發給因改
季課爲月課並師課酌定章程詳咨各憲立案官課
每年八次需錢四百八十三千二百文兩院師課每
年共需錢一百二十八千文官師課每年共需錢六
百一十二千二百文查前膏火穀九十六石八斗學
田歲支尚餘穀九石六斗書院舊有齋長經營年支
穀十五石改歸賓興後裁齋長穀與餘九石六斗并

入膏火合計膏火穀共一百二十一石四斗約值錢
二百餘串又書院歲收土樹租錢八十九千五百二
十文徐主因數不敷籌款增益自捐銀二百兩提賓
興銀二百兩合錢六百串當商陳東榮捐錢三百串
收回外欠公項錢四百串共計錢一千三百串交東
榮當承領每月照一分生息光緒十二年知縣韓炳
杰撥提張家場謝際常施項錢二百串亦交當商歲
共收息錢一百八十串連穀變價及土樹租共得錢
五百餘串每年按月支給膏火尚短錢一百串之譜

議由賓興項下補足給發徐公改添官課膏火及師課加獎條款列左

一官課每年八課文生每次正課八名附課八名文童每次正課十八名附課十六名生童正課每名發錢一千四百文附課一千文

一錦雲東皋兩院面課每年定十六課每課加獎錢四千文由院長酌獎

一官課每年二月考取收錄卽爲第一課此課值春祭應由官酌定試期其餘官課每月定期十三日

仍按舊章先期赴禮房報名備卷以便造冊點名

一官課每年自二月起除中秋節近及鄉試縣府院試或新官甫任由官另期考試外其餘月分按照章程每月一課約計十月十一月畢課

一官課額如遇鄉試年分酌撥文童正附課各四名添入文生正附課以重賓興鄉試後仍復文童原額

一課獎款項現歸賓興經管一切出入另置印簿專載按月滿報銷縣署備案稽查

一每月官課榜發禮書先將取列生童正附抄單送賓興局照案給膏火以免錯誤

經味書院在東街老當舖光緒十九年許公會蔭署任以士子株守時文鮮講經學倣省垣尊經體制創立經味書院俾肄業者專習經古禱學詳稟添設延聘主席一時苦無學舍借寓昭忠祠後邑紳劉鳴珂等以公買當舖全房一契捐作書院畧爲建置內講堂三間外講堂三間後宅住室三間新建過亭三楹左右齋各一間左院上學舍三間下學舍三間左右

齋各一間廚舍二間外按照牆學舍三間院門一道書院始有定址其脩脯膏火修補之費本年捐款差足敷支後尚無繼前經稟定坭幫於每挑收力行錢百文後改作八十文以資挹注但事屬經始是在官紳維持方能有濟

知縣許曾蔭記學之崇庠視乎教者也教得其要則成就多失其要

則成就鮮觀於天下罔不類然我

朝文治光昭博求賢俊以文藝詩賦試士之秀異升於學三歲而鄉舉之試四書經義策問額解京師其膺顯榮胥以是爲階所爲道一而風同也永邑川東大縣舊設兩書院曰錦雲曰東皋延師儒爲山長肄業其中者非不多所涉獵然銳意科名往往專攻時藝而經籍之學罕能精研得於此失於彼非盡善也况失於彼鮮有能得於此哉夫聖如孔

子非學於古無以集羣聖之大成使徒冥搜寂悟而師說未究古訓多遺遂欲臻於格致誠正修齊治平也猶舍四達之衢而冀周行無滯也必不能矣卽施之爲文將何以言之有物先正之工文者罔非邃於經籍試考其文源流其在徵諸令甲分場而試亦無或偏廢焉今者儒術修明大邑通都咸以經學爲教邑人士三餘稽古諒有同心然欲就二書院課之兼營則不專爲師儒者又不勝其况瘁也深用疚心焉公餘謀及縣紳適有劉鳴珂等樂成余美捐公宅爲書院餘合捐錢數百緡以助其費乃克營建落成俾士之有志研經者覃思夫經學之旨住院肄習之而時課其所詣文詞詩賦亦以附焉顏曰經味是卽肴饌六經之意也第今茲草創略備端倪後之君子加意經營補余不逮豐其儲峙積日而潤色之俾書院藉以常新學殖於焉蔚起是則余所跂望也夫

經味講席歲奉脩金二百串火食來往輿費在內由

地方官籌款出票致送

經味官師課獎議照錦雲東臬規制俟公款有餘再爲斟酌加獎及添設大卷白摺字課

義學

文昌宮義學一所舊於學田內歲支脩穀十二石義學之師由縣主示期考取至縣屬七鄉多無義學惟張家場舊有義學一所館設文昌宮水碾場舊有義學一所館設三聖寺

按邑有書院卽古庠序學校之遺所以造就多士儲

材待用也蜀自文翁倡化儒雅彬彬比於齊魯自是
名賢輩出藝苑騰光史冊昭垂聲稱不朽足見生才
不限偏隅在倡率者之神其鼓舞也永邑兩書院歷
經培植課士作人厚加獎勵文風丕煥蔚然可觀見
又創立經味書院講究經學詞章沾而後進詎有涯
乎顧士爲 民首必先德行而後文藝使本實旣撥
何有於餘嘗慨士習日非每藉住院爲符朋儕三五
遇事生風酗酒眠花自鳴得意以讀書明理之地爲
縱情恣志之場城闕子衿可爲浩歎我邑人文樸茂
宜舉爲戒饜飫乎詩書根柢乎漢宋敦行以立品吐
辭以爲經所謂文章報國者將於是乎在異日勳名
事業舉而措之庶不負作育之盛舉也夫

學額

漢文帝詔舉茂材武帝時始詔天下郡國置弟子員後魏獻文帝初置郡學生六十人後令大郡置學生百人次郡八十人中郡六十人下郡四十人唐開元二十六年京都學生八十人大都督中都督府上州各六十人下都督府中州各五十人下州四十人京縣五十人上縣四十人中縣三十五人下縣二十人元州縣學生額十五人其盛也至五十人食餼於學明洪武十五年令在京府縣生員六十人在外府學

四十人州學三十人縣學二十人日給廩膳仍免差徭二丁宣德中增廣員數如正額而不給廩膳謂之增廣生正統十二年於廩膳增廣之外選俊秀附學肄業謂之附學生

國朝順治初生員無定額十二年額取大學四十人中學二十五人小學十五人十六年額取大學十五人中學小學以次遞減永邑額屬小學歲試取文學生員八名武學生員八名科試取文學生員八名如遇慶典恩廣則逾此數及咸豐初元以軍需籌餉士民

報効津貼捐輸遞有廣額七年永加定額一名同治六年永加定額一名是年又准戶部奏捐軍餉復加定額二名自此永定文武生員學額歲科兩試各取文學生員十二名歲試取武學生員十二名歲科兩試每屆文學撥入府學生員定額一名光緒十九年學使瞿科試撥入府學二名增廣生員二十名以歲科試高等拔補廩膳生員二十名以歲科試優等拔補每名歲給餼銀三兩二錢遇閏照加

歲貢生二年一貢取資深者充之若遇

覃恩依次補 恩貢生一名

拔貢生舊例十二年一選雍正六年改訂六年一選乾隆七年復仍舊制每逢酉年選拔一名

送學儀注

凡督學歲科試取進文武新生紅案發到縣官送學肄業行送學禮前期擇日牌示傳集新生至日縣官於大堂公座簪掛花紅諸生行庭參禮縣官拱立答禮稟拜免由中門鼓樂導出縣官率領新生恭謁

聖廟行三跪九叩禮禮畢詣明倫堂宣讀卧碑與儒學交
拜行兩拜禮新生次見儒學官行四拜禮儒學官立
受兩拜陪受兩拜成禮退

卧碑 順治九年題准刊置明倫堂之左

欽頒學校條規

朝廷建立學校選取生員免其丁糧厚以廩膳設學
院學道學官以教之各衙門官以禮相待全要養成
賢才以供

朝廷之用諸生皆當上報

永川縣志

卷五

學校

學額

三

國志下立人品所有教條開列於後

一生員之家父母賢智者子當受教父母愚魯或有
非為者子既讀書明理當再三懇告使父母不陷
於危亡

一生員立志當學為忠臣清官書史所載忠清事蹟
務須互相講究凡利國愛民之事更宜留心
一生員居心忠厚正直讀書方有實用出仕必作良
吏若心術邪刻讀書必無成就為官必取禍患行
害人之事者往往自殺其身

一生員不可干求官長交結勢要希圖進身若果心善德全上天知之必加以福

一生員當愛身忍性凡有長官衙門不可輕入卽有切已之事止許家人代告不可干預他人詞訟他人亦不許牽連生員作證

一爲學當尊敬先生若講說皆須誠心聽受如有未明從容再問毋妄行辨難爲師亦當盡心教訓勿致怠惰

一軍民一切利病不許生員上書陳言如有一言建

永川縣志

卷五

學校

學額

三

白以違

制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

御製訓飭士子文

康熙四十一年通行直省各學

國家建立學校原以興行教化作育人材典至渥也朕臨御以來隆重師儒加意庠序近復慎簡學使釐剔弊端務期風教修明賢才蔚起庶幾棧樸作人之意乃比年士習未端儒效罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭

爾諸生其敬聽之從來學者先立品行次及文學學術事
功原委有叙爾諸生幼聞庭訓長列宮牆朝夕誦讀甯無
究心必也躬修實踐砥礪廉隅敦孝順以事親秉忠貞以
立志窮經考業勿雜荒誕之辭取友親師悉化驕盈之氣
文章歸於醇雅毋事浮華軌度式於規繩最防蕩軼子衿
佻達自昔所譏苟行止有虧雖讀書何益若夫宅心弗淑
行已多愆或蜚語流言挾制官長或隱糧包訟出入公門
或唆撥奸猾欺孤凌弱或招呼朋類結社要盟乃如之人
名教不容鄉黨勿齒縱幸脫褫朴濫竊章逢反之於衷甯

無愧乎况夫鄉會科名乃掄才大典關係尤鉅士子果有
真才實學何患困不逢年顧乃標榜虛名暗通聲氣夤緣
詭遇罔顧身家又或改竄鄉貫希圖進取囂陵騰沸網利
營私種種弊端深可痛憾且夫士子出身之始尤貴以正
若茲厥初拜獻便已作奸犯科則異時敗檢踰閑何所不
至又安望其秉公持正爲國家宣猷樹績膺後先疏附之
選哉朕用嘉惠爾等故不禁反復惓惓頒茲訓言爾等務
共體朕心恪遵明訓一切痛加改省爭自濯磨積行勤學
以圖上進國家三年登造束帛弓旌不特爾身有榮卽爾

祖父亦增光寵矣逢時得志甯俟他求哉若乃視爲具文
玩愒勿傲毀方躍冶暴棄自甘則是爾等冥頑無知終不
能率教也旣負栽培復干咎戾王章具在朕亦不能爲爾
等寬矣自茲以往內而國學外而直省鄉校凡學臣師長
皆有司鐸之責者並宜傳集諸生多方董勸以副朕懷否
則職業勿修咎亦難逭勿謂朕言之不預也爾多士尚敬
聽之哉

賓興

自周禮大司徒以鄉三物教萬民而賓興之典以肇
歷代選舉皆沿其意科目雖殊培養則一我

國家親賢養士備極優隆鄉會兩試凡諸郡縣亦莫不
各體此意以培植而振興之其所爲嘉惠士林垂卹
寒衿者渥且厚也永邑人稠地瘠殷富恆稀而此典
闕如期臨大比至有行囊羞澀窘步不前者咸豐初
知縣丁公鳳皋始將津貼餘款置買梁家埂田得穀
四十石以爲資助邑之有賓興此其嚆矢也然而涓

涓之水沾漑幾何迄兵燹後方公琴泉蒞任因三教
寺僧人頂業涉訟斷歸賓興接受措貲無出乃售梁
家埂業承頂復取翠雲寺不法僧田業一股充入賓
興以襄盛典其時構訟頻年歲經九易僅獲小斗穀
二百餘石應試寒衿所資仍嫌綿薄光緒六年 督
憲丁宮保大巡過境邑紳馬慎修乃集眾議取銅邑
舊章於契價內每釧抽取底錢六文作賓興公費稟
請舉辦蒙准飭遵由是設局抽收歷有年所遞置田
業合之往昔所遺臚舉其數

三教寺租穀七十五石九斗 穩錢八百鈔

翠雲寺租穀小斗三十石 穩錢四百鈔

倒馬坎租穀三十七石 穩錢三百鈔

梁家廟租穀二十石 穩錢二百鈔

穆家溝租穀五十石 穩錢四百鈔

水口寺租穀三十七石一斗 又土租錢四仟四百文 共穩錢三百七十九鈔

高家店租穀十九石 穩錢一百五十串

青峯場租穀十五石 穩錢一百二十鈔

歲計得穀二百八十四石

永川縣志

卷五

學校

賓興

二十五

儀注

每大比之年凡願應鄉試者於五月內赴學署注冊
移縣賓興局士諷吉稟知或先行告示懸牌大堂於
儀門內架木為橋兩端著地中隆起如阜名曰月宮
橋屆期縣主預肅書院山長及邑舉人祇候諸生恭
具衣冠至署前用地方官儀衛鳴鉦呵殿作樂舉礮
迓入大堂於設奎位前縣主躬率序立行三跪九叩
禮次行賓主禮就座飲薦元酒如席設戲場禮畢時
諸生前行用全副儀仗護衛縣主親送至場即席觀

劇禮成而退

按邑舊無賓興款項自丁公鳳皋創始方公琴泉繼之暨督憲丁淮辦契捐厯置田業雖泉布之儲未卽充裕而秋闈之資斧北上之京費科名之獎勵局士之薪水以及會計膳夫之給役局中應用款項無不另注章程刊本成書用垂久遠卽此而論其亦永邑之盛舉也乎夫遺之刀布文翁所以造蜀士也資之釜庾范公所以待明復也此舉之設意美法良殆卽二公流韻歟賢司牧加意整飭勿冒濫勿侵漁庶繼長增高所資益厚他日人材振拔掇巍科而膺大用者將於是在

學田 支款附

前明學田在縣南十里許萬曆間知縣戴靈武捐俸置田百有二坵知縣汪崑麓捐俸置田三十畝義民黃汝德亦捐田八十四坵其學田庄房田畝基畔並載碑陰署儒學周之相有記

國朝僅存碑記田無迄乾隆壬午知縣彭時捷始捐俸置田四十畝又詳准輸廢寺間田山土三百餘畝用為脩脯膏火之需而學田於是權輿矣後知縣丁鳳皋亦倣彭公盛舉嘉惠士林 二公置田多寡文卷並燬今未詳 邑之

永川縣志

卷五

學校

學田

三

文教所由衰而復興者皆二公力也

王家庵田土一處穀四百挑佃戶二穩錢三百九十

釧年租一百二十石

城南二十里

塔院寺田土一處穀四百三十挑佃戶四穩錢四百

三十釧年租八十三石四斗

城南五十里

曹家埧田土一處穀六百挑佃戶三穩錢四百九十

釧年租一百二十石

城東二十五里

望城坡田土一處穀三百挑佃戶二穩錢四百九十

四釧年租六十三石

城東南二里

游家灣田土一處穀八十挑佃戶一穩錢一百釧年租十七石 城西北十里

石馬橋田土一處穀六十挑佃戶一穩錢五十釧年租十五石 城南十二里

鍾華寺田土一處穀三百八十五挑穩錢三百六十釧年租七十二石 城南十里

望城坡歲收土租錢七千三百二十文
東山一帶歲收山租錢八千二百文 城東三十里

右學田共計穀二千二百五十五挑穩錢二千三百一十四釧歲入租四百九十石零四斗外收土樹租錢八千九百二十文共計田糧三百五十六畝一分五厘土糧一百畝一分五厘輸銀三兩一錢三分六厘

永川縣志

卷五

學校

學田

五

支欸
學署老師 歲支穀五十石
錦雲東脩 歲支穀一百三十石
東皋東脩 歲支穀一百二十石
文廟補修 歲支穀五石

武廟補修 歲支穀五石

文昌宮補修 歲支穀五石

錦雲補修 歲支穀五石

東臬補修 歲支穀五石

文廟看司 歲支穀四石

文昌宮看司 歲支穀三石

錦雲看司 歲支穀四石

東臬看司 歲支穀四石

學署典史 歲支穀十石

永川縣志

卷五

學校

學田

三

學書筆資 歲支穀五石

禮房筆資 歲支穀二石

小義學 歲支穀十二石

右歲支各欸共計穀三百六十九石以出較入尚餘穀一百二十一石四斗該賓興局士經營變賣

並土租山租所入錢數均作官課膏火需費

按士為民首自來談治績者欲振民風先培士習欲培士習先置學田元儒許衡所謂學者必為治生計也永自彭公創置以來延師課士膏脯有資文風蒸

蒸日上嗣是丁公鳳皋亦捐廉置業資贍寒衿詩曰
豈弟君子遐不作人竊於斯三復詠嘆焉顧學田之
設百有餘年矣前爲齋長經紀今歸賓興兼攝其額
租押穩載有定章後之操橐鑰者慎勿臆爲紛更俾
盛舉縣延勿替是則士林之幸也側身名教者亦必
學殖勿荒書田是種本禮義爲耕耨以經訓爲菑畚
行見學古有獲而公卿大人將有自田間起者是學
田之所係非淺鮮矣

典禮志

先師

鄉賢名宦忠義節孝附

羣祀

禮器圖

樂器圖

朝賀

鞭春

祭燾

救護

鄉飲

冠昏喪祭附

記載天子祭天地諸侯祭社稷大夫祭五祀分各有屬未可妄干自易封建為郡縣天下一家春秋釋奠而外凡有功德於民者祀之器數節文秩然不紊比屬從同甚盛典也若夫北闕之觀東郊之迎凜霜之威敬天之變震動恪恭皆守土者所有事下至禮賓序飲揖讓雍容亦不得以具文應焉我

朝會典昭垂斟酌盡善綜邑中奉行維謹者首先師而永川縣志 卷五 典禮 先師 一 鄉賢名宦忠義節孝附焉禮樂之器亦在所必備也次羣祀而朝賀鞭春祭燾救護繼焉鄉飲之禮冠昏喪祭之儀亦在所必詳也

先師

魯襄公二十一年己酉冬十月二十一日庚子生蓋

周靈王之二十年也

按此以穀梁傳為主公羊傳則云襄公二十一年冬十有一月

庚子孔子生考是年十一月無庚子自當依穀

史記孔子世家魯襄公二十二年孔子生

江永云公羊穀梁皆謂孔子生於是年二家去聖未遠當必有據經書十月庚

辰朔日有食之則庚子者十月二十一日也公羊謂十一月庚子則誤矣司馬遷年表世家舛錯者非一

言二十二年周敬王四十一年魯哀公十六年孔子者不足信

七十四歲夏四月己丑卒哀公誅曰尼父

鄭康成曰因其字以

為諡此追諡孔子之始漢高帝十二年過魯以太牢祀孔子諸

永川縣志

卷五

典禮

先師

侯王卿相至郡先謁然後從政

此漢以下祀孔子之始亦新官蒞任謁廟

之始詔以孔子後騰為奉聖君

此封聖裔承祀之始

平帝元始元年

追諡孔子曰褒成宣尼父

此孔子諡宣之始

後漢明帝永

平二年詔國學祀周公孔子十五年東巡至魯幸孔

子宅祀仲尼七十二弟子

此祀孔子弟子之始亦親幸廟祀之始

和帝

永元四年追封孔子為褒尊侯靈帝光和元年始置

鴻都門學畫先聖及七十二弟子像

此立像之始

魏文帝

正始二年使太常釋奠以太牢祀孔子於辟雍以顏

淵配

漢以來釋奠之禮始此前此祀孔子者皆於闕里至是始行於太學顏子配享始此

晉武

帝泰始七年皇太子親釋奠於太學此太子釋奠之始成帝

咸康元年帝釋奠於辟雍此天子親臨釋奠之始南宋文帝元

嘉二十二年廟舞六佾設軒縣之樂此盛樂之始北魏孝

文帝太和十六年詔宣尼廟別勅有司行享薦之禮

此有司廟享之始又改諡宣尼曰文聖尼父北齊文宣帝天

保元年制春秋二仲行禮此二仲致祭之始北周靜帝大象

二年追封孔子為鄒國公隋文帝開皇中贈孔子為

先師尼父制國子寺每歲以四仲月上丁釋奠州郡

學以春秋仲月釋奠此上丁之始亦郡縣二仲釋奠之始前此元魏雖命有司薦享

永川縣志

卷五

典禮

先師

三

然未名釋奠亦無定時也唐太宗貞觀二年尊孔子為先聖以顏

淵配從房元齡議停周公立孔子專廟是定祀之始四年尊孔子為宣父命

褒聖侯家祭服元冕朝會同三品此召孔氏子孫朝會之始又塑

孔子像出內庭袞冕衣之正南面位此塑像之始按宋真宗時詔用

桓圭冕九旒服九章徽宗改用鎮圭冕十二旒二十一年詔皇太子釋奠於

國子學皇太子為初獻國子祭酒為亞獻司業為終

獻中書侍郎許敬宗奏祭先聖先師秦漢無文魏則以太常行事晉宋以學官主祭請自今國學釋奠

令祭酒為初獻祝詞稱皇帝謹遣某官司業為亞獻博士為終獻此後世國學遣官釋奠之始前此蓋學

官自祭也而郡縣以守令主祭亦始於此又詔左邱明卜子夏公羊高穀

梁赤伏勝高堂生戴勝毛萇孔安國劉向鄭眾杜子

春馬融盧植鄭元服虔何休王肅王弼杜預范甯賈

逵二十二人從祀此後世以先儒配享孔子之始高宗顯慶二年復

尊孔子為先聖乾封元年追封太師總章元年贈顏

回太子少師曾參太子少保並配享此後世追贈孔門弟子之始而

以曾子配享亦始於此咸亨元年詔諸州縣營孔子廟並學館

中宗天授元年追封孔子為隆道公睿宗太極元年

皇太子釋奠國學列四科從祀於七十二賢之上元

宗開元二十七年追諡孔子為文宣王文宣之諡由此始贈

永川縣志

卷五

典禮

先師

四

顏子兗國公閔子等九人為侯曾子為伯以十哲升

配此稱十哲之始亦弟子封公侯伯之始宋太祖建隆三年詔立十六

戟於廟門此文廟有戟門之始真宗大中祥符元年

加諡孔子為元聖文宣王五年以國諱改封至聖文

宣王至聖二字首見史記仁宗至和二年封孔宗愿為衍聖公

此稱衍聖公之始神宗元豐七年詔孟軻為鄒公配享次於

顏子此孟子配享之始荀况楊雄韓愈並從祀此諸子從祀之始徽

宗崇寧元年追封孔鯉泗水侯孔伋沂水侯躋伋從

祀此祀聖裔之始大觀元年令貢士始入辟雍並以元日釋

棊於先聖漢以來釋棊之禮始見於此理宗純佑元年以周敦頤

張載程顥程頤朱熹從祀此五子從祀之始景定二年以張

栻呂祖謙從祀度宗咸淳三年以顏淵曾參孔伋孟

軻配享升顥孫師於十哲此四配之始又以邵雍司馬光

從祀金章宗明昌二年孔子廟門置下馬牌元世祖

至元十年詔春秋二丁釋奠執事官員各公服如其

品陪位諸儒襴帶唐巾行禮成宗大德元年勅各官

蒞任先詣先聖廟拜謁方許以次詣神廟十一年七

月武宗追封孔子為大成至聖文宣王仁宗皇慶二

永川縣志 卷五 典禮 先師 五

年以許衡從祀延佑六年以遠瑗從祀文宗至順元

年稱顏子復聖曾子宗聖子思述聖孟子亞聖此稱四聖

之以董仲舒從祀明太祖洪武十五年視學皮弁執

圭一奠四拜此四拜之始二十四年勅每月朔望太學祭

酒以下行釋棊禮郡縣學長吏以下詣學行香按北齊每

月朔祭酒博士諸生展拜階下郡縣朔朝是時未二藝今所謂香也宋純化四年始朔望行香著為令

十九年黜楊雄從祀英宗正統二年以宋胡安國蔡

沈真德秀從祀三年禁祀孔子於釋老宮八年以元

吳澄從祀憲宗成化元年帝幸太學釋奠於孔子先

期遣官行取衍聖公並顏曾孟三氏子孫赴京陪祀

觀禮衍聖公分獻沂國公此遣官行取孝宗宏治八

年命孔氏世舉一人為曲阜令以衍聖公親弟世襲

翰林博士承子思之後衢州聖裔亦世襲博士此旁支世

襲之始以宋楊時從祀世宗嘉靖九年釐正祀典改稱

至聖先師孔子按隆名自此定視封公封王者識高千古四配稱復聖顏

子宗聖曾子述聖子思子亞聖孟子十哲以下弟子

皆稱先賢左邱明以下皆稱先儒詔天下文廟俱撤

塑像易以木主又以后蒼王通胡瑗歐陽修陸九淵

永川縣志

卷五

典禮

先師

六

從祀又於先師廟後建啟聖公祠祀聖父以先賢顏

路曾點孔鯉孟孫激配享以先儒程珦朱松蔡元定

從祀穆宗隆慶五年以薛瑄從祀神宗萬曆十二年

進王守仁陳獻章胡居仁從祀二十二年以周輔成

從祀啟聖祠四十二年進羅從彥李侗從祀我

朝酌古準今典禮有加

太宗文皇帝崇德元年遣官致祭於孔子廟以顏子曾子子

思子孟子配享五年定每年二八月上丁日行釋奠

禮

世祖章皇帝順治二年定諡號稱爲大成至聖文宣王先師孔子九年 駕幸國學行釋奠禮十四年改諡爲至聖先師孔子通行直省各學

聖祖仁皇帝康熙八年

臨雍釋奠二十三年

幸闕里

欽頒匾額二十五年

御製贊發直省立碑五十三年升朱子於十哲之次五十五年以范仲淹從祀

永川縣志

卷五

典禮

先師

七

世宗憲皇帝雍正元年追封孔子先世五代爲王二年復以林放蘧瑗秦冉顏何鄭康成范甯從祀增縣直牧皮樂正克公都子萬章公孫丑諸葛亮尹焞魏了翁黃幹陳純何基王伯趙復金履祥許謙陳澔羅欽順蔡清陸隴其從祀以張迪從祀崇聖祠四年 頒

御書匾額

高宗純皇帝乾隆三年升有若於十哲移朱子於西哲末

欽頒匾額六年

頒定先賢先儒從祀位次九年禁建三

教堂不得設佛老聖人之像現在聖像安奉於書院

義學撤去三教額嘉慶七年

欽頌匾額煌煌隆禮臻美備焉

康熙二十五年

御製孔子贊

清濁有氣剛柔有質聖人參之人極以立行著習察舍道
莫由惟皇建極惟后綏猷作君作師垂統萬古曰惟堯舜
禹湯文武五百餘歲至聖挺生聲金振玉集厥大成序書
刪詩定禮正樂既窮象繫亦嚴筆削上紹往緒下示來型
道不終晦秩然大經百家紛紜殊途異趣日月無踰羹牆
可晤孔子之道惟中與庸此心此理千聖所同孔子之德
仁義中正秉彝之好根本天性庶幾夙夜勗哉令圖溯源
沫泗景躅唐虞載厯庭除式觀禮器擗毫仰贊心焉遐企
百世而上以聖爲歸百世而下以聖爲師非師夫子惟師
於道統天御世惟道爲寶泰山巖巖東海泱泱牆高萬仞
夫子之堂孰窺其藩孰窺其徑道不遠人克念作聖

康熙二十八年 頌

御製顏子贊

聖道早聞天資獨粹約禮博文不遷不貳一善服膺萬德

永川縣志

卷五

典禮

先師

八

來萃能化而齊其樂一致禮樂四代治法兼備用舍行藏
王道之器

御製曾子贊

洙泗之傳魯以得之一貫曰唯聖學在茲明德新民止善
為期格致誠正均平以推至德要道百行所基纂承統緒
修明訓辭

御製子思子贊

於穆天命道之大原靜養動察庸德庸言以育萬物以贊
乾坤九經三重大法是存篤恭慎獨成德之門卷之藏密
永川縣志
擴之無垠

卷五

典禮

先師

九

御製孟子贊

哲人既萎楊墨昌熾子輿闢之曰仁曰義性善獨闡知言
養氣道稱堯舜學屏功利煌煌七篇並垂六藝孔學攸傳
禹功作配

康熙二十三年 頌

御書萬世師表匾額 雍正四年 頌

御書生民未有匾額 乾隆三年 頌

御書與天地參匾額 嘉慶四年 頌

御書聖集大成匾額 道光三年 頌

御書聖協時中匾額 咸豐三年 頌

御書德齊禱載匾額 同治三年 頌

御書聖神天縱匾額 光緒七年 頌

御書斯文在茲匾額

同治二年部頒

大成殿正位

至聖先師孔子居中正南面

按孔子南面始於唐開元二十八年主既南面獻官自應北面宋濂拘漢宣帝西面再拜開元禮獻官西向之說謂北面非神道尚右之義今仍以北面為正

永川縣志

卷五

典禮

先師

十

東配

復聖顏子

字子淵魯人邾國後顏無繇之子漢永平十五年祀七十二弟子顏子位第一魏晉祀孔子均以顏子配唐貞觀二年以孔子為先聖顏子配享

述聖子思子

字子思伯魚之子宋大觀二年從祀端平三年升列哲位咸純三年配享

西配

宗聖曾子

字子輿魯南武城人鄆國後曾點之子唐開元八年從祀宋咸純三年配享

亞聖孟子

字子輿亦字子車鄒人魯公族孟孫氏後宋元豐七年配享

以上配位宋以前皆稱封爵元至順元年贈顏子充國復聖公曾子邾國宗聖公子思沂國述聖公孟子鄒國亞聖公前明嘉靖九年改稱復聖顏子宗聖曾子述聖子思子亞聖孟子國朝因之

東哲

先賢閔子

字子騫子馬父之子唐開元八年從祀

先賢冉子

字仲弓魯人伯牛之族唐開元八年從祀

先賢端木子

字子貢衛人初為信陽宰後嘗相魯衛唐開元八年從祀

先賢仲子

字子路魯之卞人嘗仕魯為蒲大夫唐開元八年從祀

先賢卜子

字子夏衛人仕魯為莒父宰鄭康成曰溫國人唐貞觀二十一年以經師從祀開元八年

以十哲從祀

先賢有子

史記字子若家語作子有魯人唐開元八年從祀舊在東廡七位 國朝乾隆三十年從

徐元夢請升殿內東旁卜子下移朱子於西旁顓孫子下

永川縣志

卷五

典禮

先師

十一

西哲

先賢冉子

字伯牛魯人為中都宰唐開元八年從祀

先賢宰子

字子我魯人仕齊為臨淄大夫唐開元八年從祀

先賢冉子

字子有魯人仲弓之族 氏宰唐開元八年從祀

先賢言子

字子游吳人仕魯為武城宰唐開元八年從祀

先賢顓孫子

字子張陳人唐開元八年從祀宋咸純三年升列哲位

先賢朱子

字元晦亦字仲晦號晦菴宋司勳吏部郎松之子徽之婺源人嘉定中賜諡曰文建炎四

年生慶元六年卒年七十一純佑元年從祀 國朝康熙五十一年升列哲位

以上哲位宋以前稱封爵明嘉靖九年改稱先賢某子 國朝因之有子升列哲位從一例

東廡先賢

先賢公孫僑

左傳魯襄公八年始見昭公八年卒 國朝咸豐七年從祀

先賢林放

字子邱魯人唐開元二十七年從祀明嘉靖九年改祀於鄉 國朝雍正二年復祀

先賢原憲

檀弓稱仲憲字子思魯人為夫子宰唐開元二十七年從祀

先賢南宮适

字子容魯人家語作南宮縚孟懿子之兄居南宮因姓唐開元二十七年從祀

先賢商瞿

字子木魯人唐開元二十七年從祀

先賢漆雕開

家語字子若一作憑字子開蔡人鄭元曰魯人唐開元二十七年從祀

先賢司馬耕

字伯牛宋人家語作司馬犁耕唐開元二十七年從祀

先賢梁鱣

字子魚史記注作鯉字叔魚齊人唐開元二十七年從祀

永川縣志

卷五

典禮

先師

十三

先賢冉孺

字子魯家語作冉孺字子魚魯人唐開元二十七年從祀

先賢伯虔

家語字楷一作子柳弟子解作子楷史記作子析魯人唐開元二十七年從祀

先賢冉季

字子產一字子達魯人唐開元二十七年從祀

先賢漆雕徒父

字子有魯人家語作漆雕從字子文一作子期唐開元二十七年從祀

先賢漆雕哆

字子斂家語作漆雕侈魯人唐開元二十七年從祀

先賢公西赤

字子華魯人唐開元二十七年從祀

先賢任不齊

字子選楚人唐開元二十七年從祀

先賢公良孺

家語作儒史記名儒字子正一作子切陳人唐開元二十七年從祀

先賢公肩定

家語字子仲史記作公堅定字子申魯人或曰晉人唐開元二十七年從祀

先賢鄒單

史記有鄒單字子家無縣直家語有縣直字子象無鄒單疑是一人徐廣作鄒善魯人唐

開元二十七年從祀

先賢罕父黑

史記字子素家語作宰父黑字素一字子黑魯人唐開元二十七年從祀

先賢榮子旂

史記字子旗家語作榮祁魯人唐開元二十七年從祀

先賢左人郢

史記字行家語作左郢字子行魯人唐開元二十七年從祀

先賢鄭國

家語作薛邦字徒一作子徒史記避漢高諱以邦為國鄭字疑薛字之誤唐開元二十七年從祀

年從祀

先賢原亢

字子亢家語字子籍史記字籍魯人唐開元二十七年從祀

先賢廉潔

史記字庸家語字子庸亦作子曹衛人古史作齊人唐開元二十七年從祀

永川縣志

卷五

典禮

先師

三

先賢叔仲會

字子期文翁圖作會家語魯人鄭元云晉人唐開元二十七年從祀

先賢公西輿如

字子上史記作公西輿魯人唐開元二十七年從祀

先賢邾巽

家語作邾選字子餘魯人唐開元二十七年從祀

先賢陳亢

家語字子亢一字子禽陳人唐開元二十七年從祀

先賢琴張

家語琴牢字子開文翁圖一字子張衛人唐開元二十七年從祀

先賢步叔乘

字子車齊人唐開元二十七年從祀

先賢秦非

字子之魯人唐開元二十七年從祀

先賢顏噲

字子聲魯人唐開元二十七年從祀

先賢顏何

字子冉古本家語字冉魯人唐開元二十七年從祀明嘉靖九年以家語不載罷祀國

朝雍正二年禮臣議北齊顏氏家訓孔門顏氏居入今去何止七應請復祀從之

先賢縣亶 亶索隱作豐字子象魯人明嘉靖九年罷祀國朝雍正二年復祀

先賢牧皮 力牧之後國朝雍正二年從祀

先賢樂正克 周人孟子弟子國朝雍正二年從祀

先賢萬章 齊人國朝雍正二年從祀

先賢周敦頤 字茂叔世居道州營道縣之濂溪學者稱濂溪先生宋純佑元年從祀

先賢程顥 字伯淳宋河南洛陽人文彥博題其墓曰明道先生純佑元年從祀

先賢邵雍 字堯夫宋河南人元佑中賜諡康節咸純三年從祀

西廡先賢

永川縣志

卷五

典禮

先師

古

先賢蘧瑗 字伯玉衛人左傳魯襄公十四年始見卒年無攷唐開元二十七年從祀明嘉靖九年改

祀於鄉 國朝 雍正二年復祀

先賢澹臺滅明 字子羽武城人唐開元二十七年從祀

先賢宓不齊 字子賤魯人為單父宰唐開元二十七年從祀

先賢公冶長 字子長家語作萇魯人史記齊人范甯云字子芝唐開元二十七年從祀

先賢公皙哀 史記字季次索隱作皙克一作哲哀家語字季沈齊人唐開元二十七年從祀

先賢高柴 字子羔一作羔家語齊人史記衛人仕衛為士師唐開元二十七年從祀

先賢樊須 字子遲家語魯人鄭元云齊人仕於季氏唐開元二十七年從祀

先賢商澤 家語字子秀史記字秀魯人唐開元二十七年從祀

先賢巫馬施

字子期陳人史記作子旗為單父宰唐開元二十七年從祀

先賢顏辛

字子柳魯人史記作顏幸唐開元二十七年從祀

先賢曹卹

字子循蔡人唐開元二十七年從祀

先賢公孫龍

家語作公孫寵衛人鄭元云楚人唐開元二十七年從祀

先賢秦商

字不茲家語作不慈史記作子丕魯人鄭元云楚人唐開元二十七年從祀

先賢顏高

字子驕家語作顏尅一作刻魯人唐開元二十七年從祀

先賢壤駟赤

字子徒家語字子從秦人通志略壤駟氏復姓唐開元二十七年從祀

先賢石作蜀

字子明家語作石子蜀秦之成紀人按石作復姓唐開元二十七年從祀

先賢公夏首

字子乘家語公夏守魯人唐開元二十七年從祀

永川縣志

卷五

典禮

先師

十五

先賢后處

史記字子里齊人家語字堅之今本誤作石處唐開元二十七年從祀

先賢奚容蒧

家語字子偕史記作子哲文翁圖魯人正義衛人氏族大全奚仲之後唐開元二十

七年
從祀

先賢顏祖

字襄家語名相又名祖字子襄魯人唐開元二十七年從祀

先賢句井疆

字子疆正義作句井衛人闕里志字子野山東志字子孟唐開元二十七年從祀

先賢秦祖

字子南魯人鄭元云秦人唐開元二十七年從祀

先賢縣成

字子旗家語字子橫魯人唐開元二十七年從祀

先賢公祖句茲

家語作公祖茲字子之魯人唐開元二十七年從祀

先賢燕伋

字思家語名級字子思秦人唐開元二十七年從祀

先賢樂欬 字子聲家語作樂欣魯人唐開元二十七年從祀

先賢狄黑 家語字皙之一作子皙史記字皙衛人唐開元二十七年從祀

先賢孔忠 字子茂家語作孔弗史記云孔子兄孟皮之子唐開元二十七年從祀

先賢公西蒧 史記字子上家語字子尚魯人唐開元二十七年從祀

先賢顏之僕 家語字子叔史記字叔魯人唐開元二十七年從祀

先賢施之常 史記字子恆家語字子常魯人唐開元二十七年從祀

先賢申枏 史記作申黨字周文翁圖作申堂後漢碑作棠魯人唐開元二十七年從祀

先賢左邱明 中都人授經圖曰魯人楚左史倚相之後唐貞觀二十一年以經師從祀

先賢秦冉 字開魯人唐開元二十七年從祀明嘉靖九年罷國朝雍正二年復祀

永川縣志

卷五

典禮

先師

十六

先賢公明儀 國朝咸豐三年從祀

先賢公都子 齊人孟子弟子 國朝雍正二年從祀

先賢公孫丑 齊人孟子弟子 國朝雍正二年從祀

先賢張載 字子厚居郿縣之橫渠稱橫渠先生宋嘉定十三年賜諡曰明純佑元年從祀

先賢程頤 字正叔穎弟稱伊川先生宋嘉定十三年賜諡曰正純佑元年從祀

以上先賢宋以前從祀者皆稱封爵明嘉靖九年改稱先賢某子周張程邵朱五子嘉靖時稱先儒崇禎十五年改稱先賢位在七十子之下漢唐諸儒之上 國朝皆稱先賢不稱子

東廡先儒

先儒公羊高 齊人子夏弟子唐貞觀二十一年從祀

先儒伏勝

字子賤濟南人為秦博士習書秦焚書時獨壁間藏之唐貞觀二十一年從祀

先儒毛亨

年無攷受詩於荀卿以授毛萇按史記楚考烈王二十五年荀卿廢居蘭陵距漢興三十

二年太平御覽引毛詩正義云荀卿授漢人魯國毛亨則是秦漢間人國朝同治二年從祀

先儒孔安國

字子國孔子十一世孫為漢博士侍中唐貞觀二十一年從祀

先儒后蒼

字近君漢東海郯人修明禮經漢宣帝時為博士明嘉靖九年從祀

先儒許慎

字叔重東漢汝南召陵人撰五經異義說文解字十四篇國朝光緒二年從祀

先儒鄭康成

東漢北海人唐貞觀二十一年從祀明嘉靖九年改祀於鄉國朝雍正二年復祀

先儒范甯

字武子晉鄆陵人唐貞觀二十一年從祀明嘉靖九年改祀於鄉國朝雍正二年復祀

先儒陸贄

唐天寶十三年生國朝道光六年從祀

永川縣志

卷五

典禮

先師

七

先儒范仲淹

字希文宋吳縣人封汝南公諡文正國朝康熙五十年從祀

先儒歐陽修

字永叔宋廬陵人諡文忠明嘉靖九年從祀

先儒司馬光

字君實宋夏縣人封溫國公諡文正咸純三年從祀

先儒謝良佐

宋元豐八年進士與楊時同稱程門四先生國朝道光二十九年從祀

先儒羅從彥

字仲素宋南劍州人學者稱豫章先生諡文盾明萬曆四十二年從祀

先儒李綱

宋元豐六年生國朝咸豐元年從祀

先儒張栻

字敬夫宋縣竹人學者稱南軒先生忠獻公浚之子嘉泰八年賜諡曰宣景定二年從祀

先儒陸九淵

字子靜宋金谿人學者稱象山先生明嘉靖九年從祀

先儒陳淳

字安卿號北溪宋漳州龍溪人國朝雍正二年從祀

先儒真德秀

字景元宋浦城人寶元進士累官戶部尚書參知政事稱西山先生諡文忠明正統

間從祀成化中贈浦城伯

先儒何基

字子恭宋金華人諡文定 國朝雍正二年從祀

先儒文天祥

宋端平三年五月二日生 國朝道光二年從祀

先儒趙復

字仁甫德安人宋端平二年至北庭當列元儒之首 國朝雍正二年從祀

先儒金履祥

字吉父號仁山元蘭溪人賜諡文安 國朝雍正二年從祀

先儒陳澔

字大可宋江西南康人 國朝雍正二年從祀

先儒方孝孺

元至正十七年生明建文四年卒年四十六 國朝同治二年從祀

先儒薛瑄

字德温明河津人學者稱敬軒先生隆慶五年從祀

永川縣志

卷五

典禮

先師

六

先儒胡居仁

字叔心明餘干人著居業錄以敬名齋人稱敬齋先生 國朝雍正二年從祀

先儒羅欽順

字允升號整菴明泰和人諡文莊 國朝雍正二年從祀

先儒呂柟

號經野明正德進士 國朝同治二年從祀

先儒劉宗周

字忠介明山陰人 國朝道光二年從祀

先儒孫奇逢

容城人明萬曆舉人 國朝道光八年從祀

先儒張履祥

字考夫浙江桐鄉人著楊園全書四十三卷經正錄

願學記問錄言行見聞錄近占錄雜說農書等書 國朝同治十年從祀

先儒陸隴其

字稼書 國朝平湖人雍正三年從祀

先儒張伯行

國朝康熙禮部尚書著有遵統錄曩濟一得正誼堂集均入四庫全書雍正元年

賜禮樂名臣匾額
光緒四年從祀

西廡先儒

先儒穀梁赤

尸子作倣顏師古作喜字元始魯人生周未子夏弟子唐貞觀二十一年從祀

先儒高堂生

索隱字伯魯地秦末漢初人唐貞觀二十一年從祀

先儒董仲舒

漢廣川人以賢良對策為江都相元至順元年從祀

先儒劉德

漢河間獻王興學好古羽翼羣經國朝光緒三年從祀

先儒毛萇

趙人善說詩世謂毛亨大毛公萇小毛公河間獻王博士唐貞觀二十一年從祀

先儒杜子春

東漢河南維氏人唐貞觀二十一年從祀

先儒諸葛亮

字孔明蜀漢建興元年封武鄉侯諡忠武國朝雍正二年從祀

永川縣志

卷五

典禮

先師

十九

先儒王通

字仲淹隋龍門人明嘉靖元年從祀

先儒韓愈

字退之唐南陽人諡日文宋元豐七年從祀

先儒胡瑗

字翼之宋海陵人為湖州教授學者稱安定先生明嘉靖九年從祀

先儒韓琦

宋人封魏國公國朝咸豐二年從祀

先儒楊時

字中立宋將樂人學者稱龜山先生明宏治八年從祀

先儒游酢

字芝夫建州建陽人宋徽宗時為監察御史著有中庸義易說詩二南義論語孟子雜解

文集十卷學者稱薦山先生

先生先緒十八年從祀

先儒尹焞

字彥明一字德充宋洛人賜和靖處士國朝雍正二年從祀

先儒胡安國

字康侯宋崇安人諡文定明正統二年從祀

先儒李侗 字愿中宋延平人朱子受其河洛之業為述
延平問答稱延平先生諡文靖明萬曆二十

四年
從祀

先儒呂祖謙 字伯恭南宋萊人遷婺州墓題東萊先生
嘉泰八年賜諡曰成嘉熙三年改諡忠亮

景定二
年從祀

先儒袁燮 字和叔諡正獻南宋鄞縣人官顯謨閣學士
著有絜齋家塾書鈔十二卷絜齋毛詩經筵

講義四卷絜齋集二十四卷俱入
四庫全書 國朝同治七年從祀

先儒黃幹 字直卿號勉齋宋福州閩縣人諡文肅 國
朝雍正二年從祀

先儒輔廣 字漢卿號潛菴宋人著有六經集解尚書注
四書纂疏四書問答通鑑集義日新錄師訓

編晦菴語錄朱子讀書法
國朝光緒二年從祀

永川縣志

卷五

典禮

先師

二十

先儒蔡沈 字仲默宋建陽人西山元定之子隱居九峯
山時稱九峯先生明正統二年從祀

先儒魏了翁 字華甫宋邛州蒲江人諡文靖 國朝雍
正二年從祀

先儒王柏 字會之號魯齋宋金華人諡文憲 國朝雍
正二年從祀

先儒陸秀夫 字君實宋端平三年十月八日生 國朝
咸豐九年從祀

先儒許衡 字平仲元河內人學者稱魯齋先生諡日文
皇慶二年從祀

先儒吳澄 字幼清號草廬崇仁人明正統八年從祀嘉
靖九年罷 國朝乾隆二年復祀

先儒許謙 字益之號白雲先生金華人 國朝雍正二
年從祀

先儒曹端 明洪武九年生 國朝咸豐十年從祀

先儒陳獻章 字公甫明新會人隱白沙學者稱白沙先
生萬曆十二年從祀

先儒蔡清 字介夫號虛齋明晉江人萬曆中賜諡文莊

先儒王守仁 字伯安明餘姚人讀書陽明洞世稱陽明先生封新建伯諡文成萬曆十二年從祀

先儒呂坤 明嘉靖十五年生 國朝道光六年從祀

先儒黃道周 明萬曆十三年生 國朝道光五年從祀

先儒陸世儀 字桴亭 國朝江蘇太倉人篤志聖賢紹輯要三十五卷入四庫

全書光緒五年從祀

先儒湯斌 字孔伯明天啟七年生 國朝道光三年從祀

以上先儒位明嘉靖以前從祀者皆稱封爵嘉靖九年改稱先儒某子 國朝但稱先儒不稱子

同治二年部頒

永川縣志 卷五 典禮 先師 三

崇聖祠正位

肇聖王木金父公

裕聖王祈父公

詒聖王防叔公

昌聖王伯夏公

啟聖王叔梁公

以上正位明嘉靖九年於大成殿後立 啟聖

祠祀叔梁公 國朝雍正元年 詔封孔子先世王爵合祀五代 啟聖祠更名曰 崇聖祠

東配

先賢孔氏孟皮

國朝咸豐七年配享

先賢顏氏

名無繇字路家語顏繇字季路顏子回之父唐開元二十七年從祀明嘉靖九年配享

先賢孔氏

名鯉字伯魚宋咸純三年從祀明嘉靖九年配享

西配

先賢曾氏

諱箴家語作點曾子參之父字子皙唐開元二十七年從祀明嘉靖九年配享

先賢孟孫氏

諱激字公宜魯公族孟孫之後孟子軻之父明嘉靖九年配享

東廡先儒

先儒周氏

諱輔成周子敦頤之父明萬曆二十三年從祀

先儒程氏

諱珦字伯溫贈永年伯程子顥頤之父明嘉靖九年從祀

永川縣志

卷五

典禮

先師

三

先儒蔡氏

諱元定字季通隱居西山世稱西山先生諡文節蔡子沈之父明嘉靖九年從祀

西廡先儒

先儒張氏

諱廸宋神宗時出知涪州立身端潔居官廉直貧不能歸葬於郡張子載之父國朝雍正二年從祀

正二年從祀

先儒朱氏

諱松字喬年歷吏部司勳郎出知饒州朱子熹之父明嘉靖九年從祀

以上先賢先儒位明嘉靖稱先賢某氏先儒某氏國朝因之

木主

明嘉靖九年定制高二尺三寸七分濶四寸厚七分座高四寸長七寸厚三寸四分朱地金書四配

主高一尺五寸濶三寸二分赤地墨書啟聖主同四配十哲兩廡高一尺四寸濶二寸六分厚五分座高二寸六分長四寸

厚二寸赤地墨書

祭期

釋奠隋文帝用春秋仲月上丁唐武德中詔四時致祭貞觀永隆開耀間帝與皇太子釋奠皆以二月惟景龍三年皇太子釋奠則七月宋初春秋二丁仲冬上丁命官行釋奠如舊典明洪武元年以仲春仲秋上丁七年仲春上丁日食改用次丁

國家定制每歲以春秋仲月上丁日致祭
祭品

漢自高祖以來多以太牢祀元嘉元年詔春秋祭出

永川縣志

卷五

典禮

先師

三

王家錢給太酒值河南尹給牛羊豕大司農給粟宋文帝元嘉二十二年詔牲牢器用悉上公齊永明三年議用元嘉故事唐開元七年詔春秋釋奠用牲牢其屬縣用酒脯後唐長興三年蔡同文奏 文宣王四壁英賢自此每釋奠宜准效祀錄各陳脯醢等物以祭明洪武四年詔釋奠牲用熟正統元年令祭品物非其土產者鹿以羊代榛棗以所產果品代景泰六年以兩廡祭品儉薄從太常寺奏增豕四隻棗各五十斤黍稷各一斗形鹽五十斤及於南京國學一

例增設

國朝順治九年令天下每年春秋二祭支銷正項錢糧

雍正三年

欽定文廟正殿四配十哲東西廡先賢先儒禮神制帛陳

設祭品

大成殿正位

帛一色白長一丈八尺實於篚牛一羊一豕一組登一太鉶二左

和簋二黍籩二稻邊十形鹽藁魚鹿脯棗栗豆十韭

醢醢醢菁菹鹿醢芹菹兔尊一醴爵三初亞鑪二柱香

永川縣志

卷五

典禮

祭品

二

鐙二大祝版一疏簣勺具各一後俱

四配

每帛一色幅羊一豕一組鉶二左右籩二黍簋二稻

邊八形鹽藁魚鹿脯豆八菁菹鹿醢芹菹兔爵三

初亞東西分設鑪二鐙二中尊一燭

十二哲

東各帛一色幅羊一豕一每鉶一和籩一黍簋一稷

邊四形鹽藁豆四菁菹鹿醢爵三初亞東西分設尊

一鑪一鐙一

兩廡

二位共一案每案爵一每案簋簋各一東邊豆各四西各羊

三豕三尊三統設香案各二每案帛一爵三鑪一鐙三

崇聖祠祭品與前殿四配同

配位祭品與前殿十二哲同

兩廡祭品與前殿兩廡同

名宦鄉賢忠義節孝各祠祭品用幣餘與兩廡同

祭品製法

帛 正位用綾餘絹練

永川縣志

卷五

典禮

祭品

五

牛羊豕

俱用牡純色

太羹

用淡牛肉汁

和羹

用猪脊脊肉切片滾湯淪過漉起用醬醋調勻置盤底腰子切荔枝形蓋面用牛肉熟汁澆上

黍

用黍米揀過潔淨滾湯撈起如撈常飯蒸熟

稷

用稷米蒸法同前

稻

用白粳米

梁

用梁穀米蒸法俱照黍米

形鹽

用潔白淨鹽羅細鄭康成云形鹽鹽之似虎形者

藁魚

藁乾也周禮謂鱸將大魚用鹽鹹過臨祭用溫水洗淨酒浸片時

棗 用膠棗或鮮棗須揀過潔淨者

栗 用大栗揀過潔淨者如無以核桃龍眼代之

榛 揀肥實潔淨者如無以核桃荔枝代之

菱 或菱米或鮮菱須揀過潔淨者

芡 卽雞頭如無以蓮米代之

鹿脯 用鹿宰取肉一塊酒浸炙脯如無以羊代之

黑餅 用蕎麥麩造內以沙糖爲餡印作圓龍餅

白餅 用小麥麩造如上法

韭菹 用揀淨生韭切去本末取中四寸淡用

芹菹 取揀淨生芹菜切作長段用

菁菹 取揀淨菁菜一作蔓菁略經沸湯切作長段淡

筍菹 用潔淨乾筍煮過洗淨切作長片淡用

醢醢 用猪脊膂肉細切小方塊用鹽酒蔥花椒蒔蘿

鹿醢 用鹿肉切作小方塊用鹽酒蔥花椒蒔蘿茴香

兔醢 用活兔宰取肉切小塊造法俱同上

脾胗 用牛柏葉細切湯熟同鹽酒拌

豚胎 取豚肩肉一塊

醴 甘酒也少鞠多米一宿而熟

樂器

宋元嘉二十二年用裴松議舞六佾設軒縣之樂唐貞觀二十七年詔兩京樂用宮縣顯慶三年詔用宣和之舞國子博士范頤撰樂章宋景佑元年詔釋奠用登歌明洪武二十六年頒大成樂器於天下省府州縣學如式製造國朝康熙二十六年修飭樂器令天下學官擇鄉俊秀習佾舞乾隆五年定樂舞用六佾九年頒行祭祀樂章

麾旛一首

金鐘十六口

即古編鐘

玉磬十六口

即古編磬

鼓一面

即古應鼓

拊搏鼓二座

即古鼗鼓

祝一座

敔一座

琴六張

瑟四張

排簫二架

即古鳳簫

笙六攢

簫六

枝 笛六枝

壎二個

篪二管

舞器數

永川縣志

卷五

典禮

祭品

二十七

旌節

二首

翟

三十

執旌

二人

舞生

三十

樂工

三十

樂譜

乾隆九年頒行

春祭夾鐘清商立宮

倍應鐘清變宮主調

簫譜

壎篪排簫同

笛譜同

迎神昭平之章

大

清變宮尺

哉

清凡

孔

清六

子

清變徵五

先

清變宮尺

覺

清上

先

清變徵五

知

清六

角

與

清凡商

天

清六

地

清上

參

清變徵五

萬

清變宮尺

世

清上

之

清變徵五

師

清變徵五

祥清變徵五尺徵清上尺羽麟清凡商紘清六角

韻清凡尺商答清上羽金清尺變宮絲清上尺羽

日清凡尺商月清六角既清尺變宮揭清尺變宮

乾清凡尺商坤清六角清清凡商夷清尺變宮

莫帛初獻宣平之章

予清尺變宮懷清凡商明清六角德清五變徵

玉清上尺羽振清凡商金清尺變宮聲清上尺羽

生清六尺角民清凡商未清上羽有清五變徵

展清凡尺商也清六角大清五變徵成清六尺角

永川縣志 卷五 典禮 樂章 三

俎清五尺變徵豆清上尺羽干清尺變宮古清五尺變徵

春清六尺角秋清六角上清五變徵丁清六尺角

清清尺變宮酒清上羽既清凡商載清尺變宮

其清凡尺商香清六角始清凡商升清尺變宮

亞獻秩平之章

式清尺變宮禮清凡商莫清六角愆清五變徵

升清上尺羽堂清五變徵再清凡尺商獻清尺變宮

響清上尺羽協清五變徵鼗清凡尺商鏞清六角

誠清五尺變徵孚清上尺羽鼐清五變徵膚清尺變宮

肅清變徵五肅清變徵五雍清六角雍清六角

譽清凡商髦清變尺宮斯清上羽彥清變尺宮

禮清上羽陶清變尺宮樂清凡商淑清六角

相清變尺宮觀清六角而清凡商善清變尺宮

終獻敘平之章

自清變尺宮古清凡商在清變尺宮昔清六角

先清上羽民清變尺宮有清凡商作清六角

皮清變尺宮弁清上羽祭清凡商棗清變尺宮

於清上羽論清變尺宮思清六角樂清凡商

永川縣志 卷五 典禮 樂章 三

惟清變尺宮天清上羽牖清變尺宮民清變尺宮

惟清變尺宮聖清上羽時清凡商若清六角

彝清變尺宮倫清變尺宮攸清上羽敘清變尺宮

至清上羽今清變尺宮木清凡商鐸清變尺宮

徹饌懿平之章

先清變尺宮師清凡商有清六角言清變尺宮

祭清變尺宮則清上羽受清變尺宮福清變尺宮

四清凡商海清變尺宮覺清變尺宮宮清上羽

疇清凡商敢清六角不清凡商肅清變尺宮

禮清變徵五尺成清上尺羽告清變宮尺徹清變徵五

毋清凡尺商疏清六尺角毋清凡尺商瀆清變宮尺

樂清變徵五尺所清上尺羽自清凡尺商生清變宮尺

中清變徵五尺原清六尺角有清凡尺商菽清變宮尺

送神德平之章

息清變宮尺尺商繹清凡尺商峩清六尺角峩清變徵五

洙清上尺羽泗清變宮尺尺商洋清六尺角洋清六尺角

景清上尺羽行清變徵五尺羽行清變徵五尺羽止清上尺羽

流清凡尺商澤清六尺角無清變徵五尺羽疆清六尺角

聿清變徵五尺昭清上尺羽祀清凡尺商事清變宮尺

祀清變宮尺尺商事清上尺羽孔清凡尺商明清六尺角

化清變宮尺尺商我清變徵五尺羽烝清變宮尺尺商民清上尺羽

育清凡尺商我清六尺角膠清凡尺商庠清變宮尺

秋祭南呂清徵立宮仲呂清角主調 簫笛同

迎神昭平之章

大清六尺角哉清上尺徵孔清上尺羽子清變宮尺

先清六尺角覺清凡尺商先清變宮尺知清上尺羽

與清上尺徵天清上尺羽地清凡尺商參清變宮尺

永川縣志

卷五

典禮

樂章

三

萬清六角世清凡商之清尺變宮師清尺變宮

祥清尺變宮徵清凡商麟清上徵紘清上羽

韻清凡徵咎清凡商金清六角絲清凡商

日清上徵月清上羽既清六角揭清尺變宮

乾清上徵坤清上羽清清上徵夷清六角

奠帛初獻宣平之章

子清六角懷清上徵明清上羽德清尺變宮

玉清凡商振清凡徵金清六角聲清凡商

生清上羽民清上徵未清凡商有清尺變宮

永川縣志

卷五

典禮

樂章

三

展清上徵也清上羽大清尺變宮成清上羽

俎清尺變宮豆清凡商千清六角古清尺變宮

春清上羽秋清上羽上清尺變宮丁清上羽

清清六角酒清凡商既清上徵載清六角

其清上徵香清上羽始清上徵升清六角

亞獻秩平之章

式清六角禮清上徵莫清上羽愆清尺變宮

升清凡商堂清尺變宮再清上徵獻清六角

響清凡商協清尺變宮鼗清上徵鏞清上羽

誠清變宮尺孚清凡罍清變宮尺甌清六角

肅清變宮尺肅清上雍清上雍清上

譽清上髦清六斯清凡彥清六

禮清凡陶清變宮尺樂清上淑清上

相清變宮尺觀清上而清上善清六

終獻敘平之章
自清六古清上在清變宮尺昔清上

先清凡民清變宮尺有清上作清上

皮清變宮尺弁清凡祭清上菜清六

永川縣志 卷五 典禮 樂章 三

於清凡論清變宮尺思清上樂清上

惟清尺天清凡牖清六民清變宮尺

惟清上聖清凡時清上若清上

彝清尺倫清變宮尺攸清凡敘清六

至清凡今清變宮尺木清上鐸清六

徹饌懿平之章
先清六師清上有清上言清變宮尺

祭清六角凡受清六福清變宮尺

四清上海清尺鬣清尺宮清凡

疇 清上 徵 敢 清上 羽 不 清上 徵 肅 清六 角

禮 清變尺 宮 成 清凡 商 告 清六 角 徹 清變尺 宮

毋 清上 徵 疏 清上 羽 毋 清上 徵 瀆 清六 角

樂 清變尺 宮 所 清六 商 自 清上 徵 生 清六 角

中 清變尺 宮 原 清上 羽 有 清上 徵 菽 清六 角

送神德平之章

鳧 清六 角 繹 清上 徵 峩 清上 羽 峩 清變尺 宮

洙 清凡 商 泗 清六 角 洋 清上 徵 洋 清上 羽

景 清凡 商 行 清變尺 宮 行 清變尺 宮 止 清凡 商

永川縣志 卷五 典禮 樂章 三

流 清凡 徵 澤 清上 羽 無 清變尺 宮 疆 清上 羽

聿 清變尺 宮 昭 清凡 商 祀 清上 徵 事 清六 角

祀 清六 角 事 清凡 商 孔 清上 徵 明 清上 羽

化 清六 角 我 清變尺 宮 烝 清六 角 民 清凡 商

育 清上 徵 我 清上 羽 膠 清上 徵 庠 清六 角

舞譜 初獻作甯平舞

覺 一 舞 我 二 舞 生 一 別 腳 民 一 扯 圈

陶 一 召 鑄 二 召 前 一 揖 聖 對 面

魏兩舞魏對面泰一擺脚山一灌耳

實一別脚予二作脚景一揖行一擺手

禮一舞備二舞樂一擺脚和二擺脚

豆一對擺脚面邊二對擺脚面惟一揖靜朝上

既一擺脚述二擺脚六一提脚經一扯圈

爰一擺手斟二擺手三三擺手正一叩頭

亞獻作安平舞

至一舞哉二舞聖一別脚師一扯圈

天一召授二召明一揖德對面

永川縣志

卷五

典禮

樂章

三

木兩舞鐸對面萬一擺脚世一灌耳

式一別脚是二別脚羣一揖辟一拱手

清二舞酒二舞維一擺脚醕二擺脚

言一對擺脚面觀對秉一揖翟朝上

太一別脚和二別脚常一提脚流一扯圈

英一擺手才二擺手斯三擺手植一叩頭

終獻作景平舞

猗一舞歟二舞素一別脚王一扯圈

示一看尖予二看尖物三看尖軌一蹲身

瞻 背一召之 背二召在 一別脚前 一扯圈

神 一神 舞其對 二對 舞甯 一揖止 一拱手

酌 一看尖 彼二看尖 金一 指 一扯圈

惟 一召清 二召且 一蹲身 旨 二蹲身

登 一擺手 獻二擺手 既三擺手 終朝 上

弗 一舒手 遐二舒手 有三舒手 喜 一叩頭

舞節 凡蹻左右足者足跟著地足趾向上升故謂之蹻也凡蹈左右足者足趾著地跟蹈其脛故謂之

蹈也其舉左右手者高其手故謂之舉也其垂左右手者下其手故謂之垂也三十六人對而列之

東西各十八人如東階舞生面西則西階舞生面東東階舞生以左手右手足無蹈則西階舞生以右

永川縣志 卷五 典禮 樂章 三

手左足無蹈皆取對待之義凡有向背低昂周旋俯仰無定形而有定制皆因所奏之音為之也

舞象 闕至之歌一闕則舞一成奠帛三獻共四成始終共六變起於中而散於中初變在綴之中東

西立象尼山毓聖五老降庭再變而為佾數稍前進象筮仕於魯而魯治三降而東西分象歷聘列

國而四方化四變稍後退象刪述六經告備於天五變而左右向象講論授學傳道於賢六變而復

歸於綴中東西列象廟堂尊享弟子列祀

舞義 凡舞生皆左執籥右執翟籥內而翟外籥橫而翟縱蓋左屬陽右屬陰陽主聲陰主容故左籥

右翟也和順積中光輝發外故籥內而翟外也籥象衡平準齊翟象表正繩直故籥橫而翟縱也

執事 俱於本學生員中派用預期示知先令演習其數量焉

通贊 立堂階左主贊 鳴贊 立堂階右與通贊 行禮之總名 對主唱跪叩三禮

引贊 二人相待立於

捧帛 預實帛於篚候唱

迎神 預執杯候唱灌

讀祝 預書祝文淨粘板

司尊 預實尊酒候唱

執爵 預滌爵候唱捧以

盥洗 掌匱盤巾帨候

陳設 牲饌銜鑿鑪各案器

灑掃 先期灑掃殿宇

司戶 殿上戟門各一人

監宰 監看宰牲去角

造饌 庶品如法燔炙剝

香燭 預以香燭伺候

飲福 一執酒一捧盤肉

燔瘞 候唱燔柴燎鑪

徹饌 祭前司啟各挂饌

舞生 三十六名

歌童 四名俱擇本地生

永川縣志 卷五

典禮

執事

三

儀注

春秋二仲月上丁日各署設齊戒牌承祭分獻官散

齊二日致齊一日不理刑名前數日演樂前二日執

事官補服至犧牲所省牲執事者舉祝案送至齊所

承祭官視畢送至前後殿安設一跪三叩首退前一

日承祭官補服上香監視宰牲並供毛血

祭日三更鼓主祭分獻陪祀各官朝服祭事皆備鼓

再嚴樂舞生執事者各立丹墀左右序立鼓三嚴引

贊引各獻官廟門外立通贊唱啟門樂舞生就位樂

生各序立於廟庭奏樂之所兩司節者分引舞生至丹墀東西兩階各序立於舞佾之位兩司節者退至舞生兩班之首持節相向立唱執事者司事陪祭官就位分獻官就位獻官就位文東引贊引獻官至拜位引贊退位唱瘞毛血執事者捧毛血正廟由中門出四配十哲兩廡由左右門出瘞於坎遂啟俎蓋唱迎神樂奏昭平之章麾生揚麾樂生擊祝樂作司節舉節舞生執籥秉翟而舞引贊唱詣西北迎神神降復位引贊唱參神俱行三跪九叩首禮興平身麾生

偃麾樂盡櫟啟司節伏節舞生罷舞唱奠帛行初獻禮捧帛者捧帛執爵者執爵引贊引獻官詣盥洗所勺水淨巾引詣酒尊所司尊者舉罍酌酒執爵者捧帛者在獻官前行正廟帛爵由中門入四配帛爵由左門入各於神案側立引贊引獻官亦由左門入詣至聖先師孔子神位前樂奏宣平之章麾生揚麾樂生擊祝樂作司節舉節舞生執籥秉翟而舞獻官跪捧帛者西向跪進帛獻官獻帛授接帛者奠於神位前案上執爵者西向跪進爵獻官獻爵授接爵者奠於神

位前叩首興詣讀祝位

祝位在香案前

引贊引獻官至祝位

麾生偃麾樂暫止讀祝者跪取祝文退立於獻官左

獻官並各官及讀祝者皆跪讀祝文讀畢叩首興麾

生舉麾樂生接奏未終之樂引贊引獻官詣

復聖顏子神位前跪捧帛者跪進帛於獻官右獻官獻

帛授接帛者奠於神位前案上執爵者跪進爵於獻

官右獻官獻爵授接爵者奠於神位前叩首興以次

詣

宗聖曾子神位前

永川縣志

卷五

典禮

儀注

三六

述聖子思子神位前

亞聖孟子神位前儀同復聖復位引贊引獻官至原拜

位立通贊唱行分獻禮各引贊引分獻官詣盥洗所

勺水淨巾引詣酒尊所司尊舉罍酌酒各引贊引分

獻官至十二哲兩廡神位前跪進帛分獻官獻帛授

接帛者奠於總案上捧爵者跪進爵分獻官獻爵授

接爵者奠於神前執事者於各神位前自奠一爵叩

首興復位麾生偃麾樂盡櫟啟司節伏節舞生舞罷

通贊唱行亞獻禮引贊引獻官詣酒尊所司尊者舉

纂酌酒詣

至聖先師孔子神位前樂奏秩平之章麾生揚麾樂生擊
祝樂作司節舉節舞生執籥秉翟而舞儀如初獻復
位麾生偃麾樂盡櫟敵司節伏節舞生罷舞通贊唱
行終獻禮引贊引獻官詣酒尊所司尊舉纂酌酒詣
至聖先師孔子神位前樂奏敘平之章麾生揚麾樂生擊
祝樂作司節舉節舞生執籥秉翟而舞儀如初獻復
位四配十二哲兩廡亞終二儀胥同初獻樂作佾舞
獻爵諸儀畢復位麾生偃麾樂盡櫟敵司節伏節舞

永川縣志

卷五

典禮

儀注

三九

生罷舞通贊唱飲福受胙進福酒者捧爵進福胙者
取正壇羊左肩胙置於盤引贊引獻官詣飲福位跪
飲福位捧福酒者跪進酒於獻官左獻官受飲以爵
卽祝位授接爵者捧福胙者跪進胙於獻官右獻官受胙以
胙授接胙者由中門捧出叩首興復位跪叩首再叩
首三叩首各官同唱徹饌樂奏懿平之章樂生奏如
前式執事者跪舉籩豆一器一舉而徹兩班司節分
引舞生於丹墀東西相向序立不舞麾生偃麾樂盡
櫟敵唱辭神樂奏德平之章樂生奏如前式各官俱

行三跪九叩首禮麾生偃麾樂暫止讀祝者捧祝奠帛者捧帛各詣燎所正廟由中門出四配十二哲兩廡由左右門出唱望燎麾生揚麾接奏前樂引贊引獻官分獻官陪祭官至燎所唱焚文帛九段訖麾生偃麾樂止復位通贊唱禮畢闔門散班

祝文 雍正二年 頒行

維

先師德隆千古道冠百王揭日月以常行爲生民所未有

屬文教昌明之會正禮樂陶淑之時辟雍鐘鼓咸恪

永川縣志

卷五

典禮

儀注

罕

薦以馨香泮水膠庠益致嚴於籩豆茲當仲春秋祇率

彝章肅展微忱聿彰祀典以

復聖顏子

宗聖曾子

述聖子思子

亞聖孟子配 尙饗

崇聖祠

或前期致祭或及期先祭或分官同時祭朝服跪叩三獻及配位兩廡分獻儀注均與前殿同惟無樂舞

與飲福受胙

祝文 維

王奕葉鍾祥光開聖緒盛德之後積久彌昌凡聲教所

覃敷率循源而溯本宜肅明禋之典用申守土之忱

茲屬仲春秋聿修祀典以

先賢顏子 曾氏 孔氏 孟孫氏配 尙饗

名宦祠

永川志略云前代神主兵燹後俱燬只存

國朝通省崇祀十二人牌位乾隆志增莽襄壯公魏文

永川縣志

卷五

典禮

儀注

聖

毅公道光志增知府汪公應入祠者實不止此今姑
補錄十餘名其無木主者並添設之

光祿大夫瓦爾喀巴圖魯南公朱馬喇

光祿大夫南公伊馬喇

勇略將軍趙公良棟

四川總督部堂李公國英

四川巡按郝公浴

四川巡按葛公爾圖

四川巡撫姚公締虞

四川布政使郎公廷相

四川布政使高公起龍

四川按察使劉公德芳

四川提督學政周公燦

四川松茂道王公隲

原任鎮南將軍莽襄壯公依圖

太子太保太和殿大學士魏文毅公裔介

四川重慶府知府汪公日宣

以上見舊志

朝議大夫四川提督學院聶公銑敏

永川縣志

卷五

典禮

儀注

聖

通奉大夫四川布政使陝西巡撫劉公蓉

宋元豐初進士嘉定間永川知縣梁公成

明成化間永川知縣劉公鳳

正德癸酉舉人嘉靖間永川知縣皮公東山

嘉靖間永川知縣劉公綬

嘉靖辛丑進士萬曆間永川知縣周公師旦

貴州舉人萬曆間永川知縣張公時照

陝西甯夏貢生萬曆間永川知縣戴公任

國朝

安徽無爲州舉人嘉慶間永川知縣高公學濂
江西南城舉人道光間永川知縣吳公應連

明江西南昌舉人正統間永川教諭諸公華

天順間永川教諭王公理 以上補錄

每歲春秋釋典 文廟畢祭官吉服行禮派官分獻

儀式如兩廡

祝文

卓哉 羣公懋修厥職澤被生民功垂社稷茲惟仲

春秋謹以牲醴用伸常祭 尙饗

永川縣志

卷五

典禮

儀注

三

鄉賢祠

兵燹後鄉賢神主俱燬僅存三主亦止上三字其下

漫滅不可辨致祭儀式同上

一曰漢先儒

一曰宋先公

一曰宋先儒

右三主姓名不敢懸擬惟將牌位易新存以俟考

亦夏五郭公之義也然讀明御史羅貫溪志銘前

鄉賢趙公東皋以豸繡當左席公名位與埒因並

列如聯珠云云則前鄉賢之祀當不獨漢宋有其人也姑闕以待後之博學者廣搜確核庶幾補人

祝文

於維 羣公毓秀是邦懿德卓行奕世流芳茲惟仲

春秋謹以牲醴用伸常祭 尙饗

忠義孝弟祠

祠舊在戟門外右廂與節孝祠毘連光緒十九年改建因節孝增多乃將忠義孝友木主移入鄉賢祠同受祭祀至庚申殉難諸人則久附紹忠祠另期行禮

永川縣志

卷五

典禮

儀注

聖

宋劉 霖

見忠烈

明胡子昭

見忠烈

梁士麒

見忠烈

蔣世鉉

見忠烈

陳中道

見忠烈

王愛義

見忠烈

李 興

見行誼

何積有

見孝友

國朝

李元勳

見孝友

祝文 維

靈秉氣精純躬行篤實忠誠奮發貫金石而不渝我聞昭宣表鄉閭而共式祇事懋彝倫之大性摯蒿我克

恭念天顯之親情殷常棣楷模咸推夫懿德
綸恩特闡其幽光祠宇惟隆歲時式祀用陳樽簋來格几

筵 尚饗

節孝祠

舊志載入祠節孝共二十二名今兩次采訪彙詳請
旌不下千人並見節孝志此不備載○每歲春秋祀名
宦鄉賢畢即祀此與上二祠儀式亦如之

祝文 維

靈純心皎潔令德柔嘉矢志守貞全閨中之亮節竭誠

永川縣志

卷五

典禮

儀注

四十五

致敬彰闔內之芳型茹冰蘖而彌堅清白自勵奉盤
匱而匪懈篤孝傳徽 絲綸特沛乎殊恩祠宇昭垂
於令典祇循歲祀式薦尊醪 尚饗

陳設圖

邊餅白

邊餅黑

帛爵案

邊榛實

邊菱實

邊芡實

邊鹿脯

爵釧和羹

邊形鹽

邊藁魚

邊棗實

邊栗實

簋黍

簋稷

羊

燭

先師正位

帛爵登羹太

牛

香鼎

爵 釧 和羹

簋 稻

簋 梁

豕

燭

豆 韭菹

豆 醢醢

豆 菁菹

豆 鹿醢

豆 芹菹

豆 兔醢

豆 筍菹

豆 魚醢

豆 脾肝

豆 豚胎

讀祝案

四配十二哲東西兩廡俱倣正位釋奠陳設其應減者照圖遞減 後殿及名宦等祠亦然

永川縣志

卷五

典禮

儀注

巽

奉 頌歌樂之圖

琴

瑟 楹鼓

麾 笙 鳳簫 簫 笛

歌 歌 歌 琴

瑟 編鐘

祝 笙 塤 簫 笛 搏拊 田鼓

琴

笙 篴 簫 笛 鼓

正

琴

瑟 編磬

笙 篴 簫 笛 鼓

歌 歌 歌 琴

瑟 應鼓

故 笙 塤 簫 笛 搏拊 田鼓

琴

麾 笙 鳳簫 簫 笛

奉 頒舞佾之圖

舞舞舞舞舞舞

節 舞舞舞舞舞舞

舞舞舞舞舞舞

正

舞舞舞舞舞舞

節 舞舞舞舞舞舞

舞舞舞舞舞舞

